

襄陽府志序



郡國有志志故也其



文則史猶之魯有春秋云襄陽掌故放失有間矣乃其軼時時見于他說者文不雅

馴縉紳先生難言之  
郡守吳公以為郎高第  
出而成共理之治已按  
故牘輯本事槩為之論  
次秩飾厥文勒成一家  
言凡五十一卷為目三

十六嘗試正列其義覽  
焉則以知作者之志豈  
徒循誦習傳當世取說  
云爾哉夫楚自熊繹蕞  
蹠藍縷以定荆襄固周  
室之不成子也置茅莛



設望表與鮮牟守燎乃  
其后擗方城之外阻漢  
水提衡中夏汪茲茲土  
維更割裂列山翼軫之  
墟險固自如矣當周南  
流詠書社請封導潏流

達內方王伯軌跡在焉  
封建以來諸侯王寔不  
一姓今襄藩為

國肺腑奕世載德不隕其  
家宜也山林藪澤足備  
財用白茅致篚尚不以

時至胡以云利盡南海  
而羽毛齒革為其地生  
也者三事豕序著有堂  
皇大城不羨作之伊滅  
且也郵彘微會關梁譏  
暴馭非以為國昔蒙穀

負雞次之典五官得法  
而百姓治乘廣組練簡  
服戎旅為陂遺后流惡  
渚沃遽以忘諸侯之耳  
先王處士就燕閒母俾  
嚨雜監上下之好興謠



俗即爾稟輕易發動去  
槩執遠矣世稱楚村辟  
諸祀梓何多也穢而尚  
鬼能無事禱河豈其以  
私干國之憲信在祝史  
乎環裘而繡錯者皆古

之遺烈歆起地下無從  
庶幾于封對識之精廬  
仁祠亦可略而載也妖  
異由人星氣所在厥事  
常象萍實伯而枝蛇不  
死則為善之效與夫仁



賢者生于斯宦于斯者  
舊所傳冠蓋之里龍鳳  
無十之才出焉疆理平  
一邈不可幾次之展案  
錯事能各有所長而阿  
承醜女豈傳八陣英習

匡夫伯嬴抗暴烈丈夫  
其能諸夫夫賢也即瑣  
隸賓萌與有榮施奚必  
以地產然史談述九流  
知其不可廢而各有弊  
安得長者之言公般元

化者倫幽術竒數隱遠  
難原驗之人理頗効于  
事蓋君子成名立方不  
專一操也仙釋錯而勿  
談安從所廊如矧如畚  
南論對道安博洽姑亦

取節焉可已人知詩已  
而騷作自楚始乃秦商  
駢臂立朋之徒親業孔  
門自是萬世風矣漢魏  
以降家有師法海內名  
哲過而況榮繡鞶之美



誠莫以尚之矣大者既  
識而凌雜米鹽均之羣  
生所資挹較略不究備  
也謂何故因而寓之篇  
終焉於序茲云作者之  
志也昔孔子筆魯史文

成數萬其指數千壹以  
任之于已司馬史記紹  
而明之為寔錄以俟后  
之人蓋其慎如此它日  
有受二三策者于我得  
法將無謂春秋一秋罷



而為三子焉攄之無窮  
已乎

萬曆甲申孟秋吉日

賜進士第通議大夫刑部

右侍郎宜城王五胡價

謨

襄陽府志目錄

卷之一

輿圖

卷之二

郡紀上

卷之三

郡紀下

卷之四

星野

卷之五

沿革

卷之六

山川 附巖洞石  
泉池井

卷之七

形勝 附景  
致

卷之八

聖蹟

卷之九

帝籍

卷之十

歷代藩封

卷之十一

襄世家

卷之十二

食貨上 田土戶  
口貢賦

卷之十三

食貨下 田土戶  
口貢賦

卷之十四

物產

卷之十五

公署

卷之十六

城池

附坊市  
村鎮

卷之十七

舖通

卷之十八

津梁

卷之十九

秩官一

總轄總  
武總幕

卷之二十

秩官二

郡守郡  
貳郡幕

卷之二十一

秩官三

襄陽宜城  
南漳棗陽

卷之二十二

秩官四

穀城光  
化均州

卷之二十三

兵政

卷之二十四

水利

卷之二十五



學校

附書院  
社學

卷之二十六

風俗

卷之二十七

人物一

燕選舉恩生例貢  
賈寓襄陽府襄陽縣宜城

卷之二十八

人物二

燕選舉恩生例貢  
賈寓南漳穀城光化均州

卷之二十九

祀典

燕壇壇  
祠廟

卷之三十

古蹟

卷之三十一

陵墓

卷之三十二

寺觀

卷之三十三

災祥

卷之三十四

獻徵一

卷之三十五

獻徵二

卷之三十一

宦蹟一

卷之三十二

宦蹟二

卷之三十三

列女

卷之三十四

僑寓

卷之三十五

方伎

卷之三十六

仙籍

卷之三十七

禪宗

卷之三十八

文苑一

勅書制誥  
諭祭疏

卷之三十九

文苑二

賦歌曲行  
話樂府

卷之四十

襄陽府志卷之四十六  
文苑三 五言古詩律詩排律絕句楮體六言絕句

卷之四十六

文苑四 七言古詩律詩絕句楮體

卷之四十七

文苑五 上記

卷之四十八

文苑六 下記

卷之四十九

文苑七 銘贊頌文

卷之五十

文苑八 序表箋書啓

卷之五十一

楮志

襄陽府志目錄



凡例

一志為郡邑而作則輿地其所重也有此地然後知此地屬天何星而攷其災祥以嚴省戒蓋賓主之分當如此矣故首輿地

一沿革表舊志多異同蓋多據傳聞及他書野史為之以致抵牾如此茲志一據國史方域志及文獻通考按實書之而凡訛偽抵牾之說史不經見者並削不錄所以傳信也非立異也

一山川形勝古蹟三目舊志多彼此並載似覺重複茲志凡岩洞石泉池井之類可入形勝古蹟者並依摠

志入山川而不另載從其類也亦省文也

一秦廢封國爲郡縣漢封國郡縣錯置 國朝則封國  
於其郡雖制隨代異大抵郡國固相因也襄陽自鄧  
鄧都郢麋穀陰以來卽爲封國而况 襄憲王又開  
國茲土爲時名藩豈得以郡而不志乎故初藩封襄  
世家二篇錄實也非敢私也

一舊志藩封之下附以神祀蓋以社稷山川二壇 襄  
王主祭故也其志藩封旣畧又因二壇而并各州縣  
者亦附于其後不惟義例不類且似以神祀爲重而  
藩封輕矣故茲志以藩封神祠各例庶幾義例分明

而又各全其尊云

一近志多以郡邑屬壇養濟院惠民藥局漏澤園預備  
倉爲惠政別作一目舊志亦然殊不知列土爲疆非  
爲諸侯張官設府非爲卿大夫皆爲民也豈必屬壇  
養濟院惠民藥局漏澤園預備倉而後謂之惠哉况  
屬壇固惠政也社稷爲民而立獨非惠政乎惠民藥  
局固惠政也陰陽學所以授人時醫學所以療人疾  
獨非惠政乎而况藥局卽醫學之事也又不當分爲  
二故茲志不敢別立此目而以郡邑屬壇附壇壇以  
養濟院惠民藥局漏澤園附公署庶各從其類且得



大體也

一災祥所以嚴警戒不宜泛入如日食一節只春秋之中已有三十六矣茲欲盡書豈可勝書周官以星土辯九州之地察其機祥正欲得其精切以嚴警戒也襄陽于星野屬冀六度十度則捨此度之外蓋無與于襄陽矣故此志于日食生變雖不能盡拘拘于冀六度十度然必于預冀度者始入餘皆缺之示不敢泛也

一舊志以名宦鄉賢二祠不入學校而入祠廟亦非無見然名宦鄉賢祀于學制也作志者豈容外之茲志遵制仍附學校其獻徵祠所祀雖亦名宦鄉賢諸公但祠不在學又不得以二祠爲比而槩入之也故別附祠廟非好爲異同惟其是而已

一秩官人物諸志中異時或于其下分註行事失既有列傳以表其人矣而復分註于名氏之下不幾于架床疊屋之說乎故茲志一依摠志凡載列傳者于諸表中于書其不載列傳者是其人無足取者也亦不書

一獻徵去取最難蓋鄉人之好惡鮮公而子孫之慕望更切故近世多開列正學名賢士行宦業數端各取

節以徇人情雖亦善善長與夫節以一惠之意然不無少濫則失春秋謹嚴之法矣故茲志一依摠志凡行誼事功彪炳顯著者摠名之曰獻徵而不列細目云

一獻徵宦蹟凡見在者雖卓然名世不敢立傳懼近諛也若其盛節茂蹟不可掩覆者自因事書之以附見焉

一楚昭王自郢遷都都即今宜城當時秩官雖有列卿然既爲列國之臣自不得以王人爲比故不列之摠轄而附于宜城此春秋尊主人之意也

一秩官內亦有以本郡人物爲之者如柳慶遠張東之張士遜之類是也茲志之例宦蹟止詳其在官之蹟而鄉賢則舉其生平而載之故凡本郡人物爲秩官者其列傳不入宦蹟而入鄉賢蓋舉其生平而宦蹟自在所不遺而其人足傳矣

一僑寓有四種其說見小序然必其本身羈旅于此故謂之寓若其子孫則生于斯長于斯即爲土著之民矣固不得以先世之故而槩目之流寓也如柳元景柳慶遠杜叔昆皆是先世移居于此而舊志作流寓今皆正之如樊重樊準雖其氏云出于樊侯然自高



會以來徙湖陽鎮爲鄉里著姓湖陽在今棗陽因不  
得以其出于樊而遂遺其湖陽也陰識係陰大夫之  
後雖徙居新野猶屬之陰此舊志所無今皆入之  
一列女不論已未旌表凡貞烈顯著人無聞言者皆入  
蓋旌表須有力者爲之狐貧婆婦多不達于天子  
若必待其旌表而後書之所遺多矣

一近志山川形勝寺觀古跡學校陵墓等項俱有詩文  
隨類附入而收載不盡者又列爲藝文之目以括之  
則是藝文之目特因收載其所未盡者而設耳何以  
爲藝文乎茲志既立藝文凡前項隨類附入者並皆  
削去而擇其不可遺者移入藝文以與前類絕而  
不應櫟也

一志每目有序冠之于前有論殿之于後序者原其志  
之由而論者則即其事而處其宜以終其意也蓋亦  
畧倣史體而爲之至其序事之煩簡立例之疎密屬  
詞之精粗未必盡折于衷以俟博雅君子

襄陽府志卷之一

輿圖

叙曰輿地者封域廣輪之數山林川澤丘陵墳衍原隰之分與夫險阻阨塞之限是已而別疆分服以立表極以辯職方以詔叙事則莫善乎圖漢置司空郡國地圖唐表元和十道宋列元豐九域其來尚矣襄陽北入豫西入鄖東入郢南入荆而山川本末封疆廣邈甲于楚服其間關阨制置之度諸緩急利便舍圖何以爲昔禹別九州鑄鼎象物匪以恣遊觀勤遠畧也今民審形容知物宜考神奸而遠不若也是圖也其鑄鼎之遺乎故



合郡有圖表封畧也郡治有圖而州縣之治不圖以各  
有志在從簡約也志輿圖


輿圖

西至鄭陽府保康縣同安山界三百一十里



荆州一百八十八里

南至永天府荆門



野林界夷築城十九里

北至南陽府鄧州新





襄陽府


其城去省城水路一千七百里陸路六百八十里去北  
 京水路六千八百六十七里陸路二千六百三十里去  
 南京水路三千七百里陸路一千九百里東二百二十  
 里抵德安府隨州界南一百八十里抵承天府荊門州  
 界西四百六十里抵鄖陽府鄖縣界北九十里抵河南  
 南陽府新野縣界廣一千二百一十里袤二百七十里



西

東陽府志  
 卷之四  
 地理志  
 一曰山  
 隆中山  
 在府城東一百二十里  
 高六百里  
 東一百二十里  
 西一百二十里  
 南一百二十里  
 北一百二十里  
 隆中山  
 在府城東一百二十里  
 高六百里  
 東一百二十里  
 西一百二十里  
 南一百二十里  
 北一百二十里





鹿門寺

新吳

鹿門寺

觀音堂

蘇州府

蘇州府

蘇州府

蘇州府

蘇州府

蘇州府

蘇州府

蘇州府


蘇州府

蘇州府

蘇州府

正

蘇州府



襄陽縣

附府東至棗陽縣界梅城舖七十里南至宜城縣界界  
 山舖六十里西至穀城縣界沔陽港六十里北至新野  
 縣界黃渠舖九十里

宜城縣

在府治東南東至棗陽縣界七十里南至鍾祥縣界豐  
 樂河九十里西至南漳縣界石橋二十里北至襄陽縣  
 界界山六十里

南漳縣

在府治西南東至宜城縣界石橋八十里南至遠安縣

襄陽府志 卷之十一 地理 五



界紫山三百六十里西至房縣界司空山一百三十里  
北至襄城縣界雙河六十里

襄陽縣

在府治東北東至隨州界小石橋九十里南至宜城縣  
界巴山八十里西至襄陽縣界宋家村七十里北至唐  
縣界四莊六十里

穀城縣

在府治西東至襄陽縣界永安港九十里南至南漳縣  
界雙河一百一十里西至均州界界山一百二十里北  
至光化縣界陡溝兒三十里

光化縣

在府治西北東至襄陽縣界二汶堰六十里南至穀城  
縣界陡溝兒二十五里西至均州界葫茨山六十里北  
至鄧州界杏兒山六十五里

均州

在府治西北東至光化縣界葫茨山一百二十里南至  
穀城縣界界山一百四十里西至鄖縣界在角五十里  
北至內鄉縣界黃水峪一百二十里



論曰按圖經池漢而疆當鄠鄠鄠維麋穀都之地為襄陽  
 寔居楚蜀上游其險足固其土足食且東瞰吳越西控  
 川陝南跨漢沔北接京洛水陸衝轉輸無滯與江陵  
 勢同唇齒昔人以此郡當建業為左右臂有以也雖今  
 承平日久郊壘無聞然先事之防不可不預往者嘗築  
 樊城以為守襄計而議者迂之卒圮其功夫襄陽之於  
 樊城猶武昌之有漢陽也南北對峙一水衝之固犄角  
 之勢樊城固則襄城自堅襄城堅則州邑自安樊城圯  
 則襄之藩籬撤矣焉有撤其藩籬而不速蒙起侮乎然  
 則襄陽者天下之咽喉而樊城者又襄陽之屏蔽也計



襄陽府志卷之二  
親土者其審圖之

襄陽府志卷之二

襄陽府志卷之二

郡紀上

叙曰夫志所以備物昭軌彰往信來古史之流也史之  
例有二曰編年曰類分自類分之法興而編年廢然類  
分者至列國世家之事又未嘗不做編年蓋綜括綱要  
聯綴冗細必列號表年而後始終條緒可得而齊也襄  
陽固郡國也志襄陽者亦志列國世家之事也故考其  
建置所繇歷代沿革治亂之迹次第千篇而因文見義  
以昭褒貶示勸戒今後之視今猶今之視昔也作郡紀  
顓帝制九州一曰荊州

虞舜肇十有二州置荊州牧

夏禹治水至于荊州

商高宗伐鬼方三年克之鬼方即楚地

周文王化行江漢游風丕變是為周南

庸人濮人從武王伐商

昭王五十一年南巡狩返濟漢漢人膠王卬王及蔡公皆溺

宣王蠻荆叛命將方叔征之不戰而服

封仲山甫為樊侯

桓王十年蔡侯鄭伯會于鄧

十五年穀伯鄧侯朝于魯

十七年楚圍鄧鄧養甥聃甥救鄧不克鄧師大敗鄧

人宵潰

楚伐羅今宜城

莊王八年戊申楚子過鄧鄧侯享之驪甥養甥請殺楚

子鄧侯弗許

十六年楚伐鄧滅之

襄王十七年秦晉伐鄧

二十年晉文公伐楚楚使申叔去穀子玉去宋俾無

從晉師楚師敗績



三十年秦人入都

靈王二十七年鄭伯使游吉入楚及漢楚人還之

十一月魯公入楚及漢楚子昭卒公欲返叔仲昭子

不可公遂行

景王七年楚滅賴遷之于鄢

四十年楚師遷許胡沈道房申于荆山

十六年蔡朝吳奉蔡子于子哲盟于鄧

二十二年楚令尹赤遷陰于下陰陰取光化

敬王二年楚令尹費無極召鄢將師攻大夫卻宛殺之

十六年吳入郢楚公子申相昭王遷都于郢而敗紀

其政以定楚國

定王三年楚子侶總帥諸侯觀兵周郊并吞江漢之間

楚聘孔子孔子至封以書社地七百令尹子西止之

孔子反衛

赧王三十年秦白起伐楚取鄢鄧西陵

楚復取江南十五邑

秦王剪以六十萬人滅楚

秦始皇元年郡縣天下置南陽郡晉南郡江南隸南郡江北隸南陽

以魏冉為穰侯或云穰即襄陽去禾為襄也

二世沛公畧南陽宛守降引兵西襄侯王陵降遂以王

陵為襄侯

漢高祖元年封相國蕭何為鄼侯

分都國為三縣

改鄼為宜城

景帝二年改封相國何孫為筑陽侯

哀帝元年光武皇帝生于山東濟陽公署

時皇考南頓君為濟陽令

壬午漢宗室劉續及弟秀起兵春陵

光武建武三年六月耿弇與延岑戰于穰大破之

冬十一月帝幸春陵祠園置酒大會故人父老

二月帝幸春陵祠園置酒大會故人父老

岑戰于武當破之

朱祐擒秦豐于蘇嶺山

十七年幸章陵脩園廟舊宅觀田廬置酒作樂為宗

室起祠堂

十八年帝幸宜城

庚子祠春陵節侯以下四世于章陵

明帝永平元年甲午南巡狩南陽祠章陵又祠舊宅禮

畢詔校官弟子作雅樂奏鹿鳴帝自御埴荒和之

章帝元和元年辛丑幸章陵祠舊宅園廟見宗室故人

賞賜有差



三年祠光武顯宗于縣舍石室

二十四年遣使荊州兵討丞盈大破之

和帝建初六年冬十月戊申幸章陵祠舊宅癸酉祠園廟會宗室于舊廡勞賜作樂戊申臨漢水而還

和帝延熹七年幸章陵

獻章初平元年長沙太守孫堅殺荊州太守王叡以劉表爲荊州刺史表乃單騎入宜城

江夏賊張虎陳生擁兵據襄陽表使蒯越龐季往譬之乃降江南悉平諸守令多解印去表遂理兵襄陽表術與孫堅合從襲表表敗堅遂圍襄陽會表得與

祖救至堅中流矢卒餘衆敗走表遣使奉貢遂拜表爲鎮南將軍荊州牧封武成侯假節

興平二年魏王曹操兵還武陰張繡將騎來鈔操擊破之繡奔穰與劉表合南陽諸縣皆附

興平三年魏王曹操圍張繡于穰劉表遣兵救繡以絕軍後操軍不得進夜鑿險爲地道悉過輜重縱奇兵步騎夾攻大破之

六年魏王操自南追先主先主遣糜竺孫乾與劉表相聞表自郊迎以上賓禮之益其兵使屯新野降賊張虎陳生反劉表先主遣趙雲張飛刺殺之劉表約

襄陽府志  
先主宴會蒯越蔡瑁欲因取先主先主遁走隨襄陽城西檀溪水中賴的盧馬躍而過追者弗及

魏王操遣曹仁將李典并降將呂曠呂翔屯樊城窺荆襄先主將趙雲刺呂曠殺之呂翔敗走張飛追殺之曹仁李典入新野劫先主寨趙雲張飛禦之掩殺甚衆

十二年先主見諸葛亮于隆中

十三年秋七月魏王操南征劉表八月表卒其子琮代領襄陽先主屯樊九月操入新野琮舉州降先主奔江陵操追及之先主走夏口操東下孫權遣周瑜

魯肅與先主迎擊于赤壁大破之操引還留曹仁守江陵樂進守襄陽

十四年孫權表先主領荊州牧

某年吳蜀魏分荊州長沙桂陽江夏三郡屬吳南郡零陵武陵三郡屬漢南陽襄陽南鄉三郡屬魏

二十四年秋八月大霖雨漢水溢漢中將關羽攻操將曹仁擒于禁于樊遣別將圍呂常于襄陽遂取襄陽先主表羽為襄陽太守襄陽至是始為郡襄陽男子張嘉王休得玉璽于漢水獻先主

二十五年春正月是呂蒙襲殺關羽及其子平孫權



遂有荊州

漢先主章武三年夏四月魏以孫權為荊州牧領荆揚江表八郡

後主建興四年秋八月吳王權圍江夏不克遂攻襄陽魏司馬懿擊破之斬吳將張霸等

吳王權入居巢湖口衆號十萬遣陸遜諸葛瑾入江夏沔口向襄陽

魏襄陽太守胡烈上言吳將鄧由十八屯約降令王基造沮水迎之司馬昭疑其狀既而由等果不降延熙四年吳朱然圍樊城魏司馬懿拒之

先主崩南郡三郡復屬吳

吳分荊州統南郡其南陽江夏襄陽南鄉魏興新城上庸七郡屬魏之荊州

泰始四年冬十月吳萬郁寇襄陽遣太尉義陽王璜屯龍坡荊州刺史胡烈擊敗之

景耀五年晉以羊祜都督荊州諸軍事更置荊州于襄陽

晉武帝泰康元年春晉鎮南大將軍杜預會諸將伐吳滅之

置荊州于江陵其襄陽郡領宜城中廬臨沮邱襄陽

襄陽府志 卷之三  
山都鄧城鄧等八縣

杜預還襄陽開陽江漕河達巴河

惠帝永興元年荊州都督劉弘安輯流民十餘萬戶  
懷帝永嘉三年以山簡都督荆襄諸軍事

四年秋七月流民王如寇南陽以附漢進逼襄陽  
冬十月漢石勒寇襄陽襄陽火焚死三千餘人

元帝永昌元年秋七月杜魯攻陷楊江豫章太守周訪  
破之定漢沔屯襄陽

八月以甘卓鎮襄陽

王敦反譙王承與甘卓移檄討之三月敦據石頭殺  
驃騎將軍戴淵尚書僕射周顛甘卓還襄陽

遣襄陽太守朱軌討第五琦爲其將杜魯所害

五月襄陽太守周慮襲殺甘卓

明帝太寧三年夏五月以陶侃都督荊州諸軍事

成帝咸和四年夏四月詔陶侃兼督江州移鎮武昌

五年秋九月趙郭敬寇襄陽中即將周撫拒之敬退  
屯樊城撫免官

七年秋陶侃遣南中郎將桓宣攻拔襄陽遂留鎮之  
咸康元年石勒圍襄陽

六年春正月以庾翼都督江荆等州軍事



襄陽府志  
襄陽府志  
康帝元年秋九月庾翼移鎮襄陽詔以翼都督征討軍

事

倚立雍州于襄陽以秦雍流人聚襄陽故置鎮七郡京兆如平扶風河南廣平義成北

南河

庾水都督荆江等州軍事

二年冬十月庾翼還鎮夏口遂表願還鎮襄陽

王澄會王如寇襄陽澄前鋒至宜城遣使詣山簡為

如黨嚴凝所獲

穆帝永和元年桓温代翼鎮荊州

穆武帝太元三年春以朱序桓豁鎮襄陽

三年戊寅符丕寇襄陽

符堅弟融圍襄陽遣冠軍將軍南郡相劉波救之弗

克免官

晉師伐堅遂次襄陽鷹揚郭銓遣張崇拒之遂攻崇

武當掠二千餘戶而還

四年春秦陷襄陽執刺史朱序以歸

秦以梁成爲荊州刺史鎮襄陽

七年桓冲遣將軍朱綽擊襄陽縱焚掠而還

八年夏五月桓冲拔筑陽

九年夏四月堅復寇襄陽竟陵太守趙統伐襄陽克

襄陽府志  
襄陽府志  
襄陽府志  
襄陽府志  
襄陽府志

襄陽府志 卷之九  
之桓冲遣弟桓石民助以兵收于淮淝襄陽太守閻  
虔擒之送于京師詔歸冲府封冲宜陽侯

堅使其將郝貴守襄陽

義興元年桓蔚桓玄自稱雍州刺史南陽太守魯宗  
之起義兵襲破襄陽

桓玄以其兄儻為冠軍將軍雍州刺史時寇賊未平  
朝廷難違其意許之

安帝隆安二年桓玄表刁暢鎮襄陽

三年京兆人韋禮率襄陽流人叛降于姚興

六年秋七月譙縱使桓謙會秦將苟林入寇荆州

史劉道規大破斬之

八年夏四月以劉毅代劉道規都督荆州

冬十月劉裕襲荆州

宋文帝元嘉元年割荆州置雍州于襄陽領郡十七

宋以武陵王駿為雍州刺史鎮襄陽

是為孝武帝

宋以安東將軍隋王誕加雍州刺史

後舉與友

丙戌甘露降于宋襄陽郡

宋罷江湘二州文武官及租配給襄陽

封于鸞為襄陽王

二十年臨沮蠻反刺史江夏王義宣討平之



襄陽府志  
卷之十一  
十一  
孝武帝孝建二年宋雍州刺史海陵王休茂反襄陽爲  
其下所殺

廢帝太始元年宋雍郢荊州皆舉兵

宋以沈攸之都督荆襄八州軍事

順帝昇明元年丁巳宋荆襄都督沈攸之舉兵江陵討  
蕭道成

齊太祖永明二年以雍州刺史蕭思活鎮襄陽

以蕭衍爲雍州刺史命五兵尚書蕭慧景征南將軍

陳景達相結援襄陽

齊明帝建武二年魏上自帥大兵逼雍州刺史曹武度

沔水樊城

齊東昏建武庚辰以劉志暉爲荆樊守使過荊州就行

事蓋穎胃欲襲襄陽衍知其謀弗克襲

十二月雍州刺史蕭衍起兵于襄陽留其弟術守樊

城

梁太祖天監元年以南徐州刺史秀爲安成王雍州刺

史

大通元年梁以蕭譽爲岳陽王鎮雍州

魏以賀拔岳爲雍州刺史

梁雍州刺史岳陽王譽自稱梁王藩臣魏魏遣兵助





十一年譙郡人朱燦自稱楚帝擁眾數萬寇荆襄建元昌達漢南諸郡皆陷

襄陽 十二年王世充與其兄子弘烈及其將豆盧行褒戊

唐高祖武德元年分置十五部河南蕪分襄陽南陽漢東淮南入山南東道治襄陽

王弘烈據襄陽詔荊州總管李大亮討平之改襄陽郡為襄陽府

五年復以襄陽府為襄州領襄陽南漳鄧城穀城義  
均州為州漢屬鄧棗陽  
光化屬隋武當屬均

太宗貞觀元年紀王慎選襄州刺史以治最重書勞勩人為立碑頌德王始封申徙紀

十七年秋九月徙順陽王泰于均州中宗嗣聖元年夏四月太后遷帝于房州又遷于均州

二年春正月帝在均州又遷于房州神龍元年以漢陽王張柬之為襄州刺史不知州事

漢水鬻城因壘為堤以遏湍怒肅宗至德元年丙申襄陽南陽二郡置防禦守堤使二

載廢南陽節度使升襄陽防禦為山南東道節度使領襄鄧隨唐安均房金商九州治襄州

襄陽府志 卷之二  
武德元年春正月命南陽太守魯炅將湖南黔中襄陽五萬人屯葉北以備安祿山

二年己亥襄州防禦將康楚元張嘉延反逐其刺史王政遂破荊州商州刺史景倫討平之

代宗廣德元年癸卯史朝義自殺其將以幽州降山南東道兵馬使梁崇義自南陽入于襄陽以爲山南東道節度使

德宗貞元十五年山南東道節度使于頔及吳少誠戰于吳防敗之

憲宗元和二年夏四月山南東道節度使裴鈞進銀幣

武宗會昌元年漢水溢壞州郭山南東道節度使牛僧孺坐不謹防左遷

二年漢水害襄拜盧鈞山南東道昭義節度使築堤六千步以障漢暴

襄州刺史韓思復徙太子賓客進爵伯吏部侍郎復爲襄州刺史治行名天下代還仍拜太子賓客

僖宗乾符三年王仙芝寇荆襄詔發諸州兵討之仙芝焚掠而去

光啓二年秦宗權寇襄陽陷羅州城山南東道節度使劉巨容奔成都



襄陽府志 卷之二  
朱溫陷鄧州

文德元年戊申賜山南東道號忠義軍節度時趙德諱以襄州降以德諱為忠義節度使

哀帝天祐二年朱全忠欲代唐使人諭諸鎮襄陽節度使趙匡凝不可遣師厚攻之取唐鄧復郢擡均房七州全忠如襄州軍于漢北九月師厚破襄州匡凝奔淮南

三年復以忠義節度使為山南東道節度使

五代梁太祖開平二年封友裕為均王

荆南湖南會晉師討襄州

二年襄陽兵亂殺其留後王班房州刺史楊虔叛

八月均州刺史張敬方克房州執楊虔

九月行營招討使陳暉克襄州執其首惡李洪

荆南襲漢襄郢不克

後晉天福七年八月高行周克襄州

襄陽府志卷之三

襄陽府志卷之三

郡紀下

宋太祖建隆元年閏二月遣慕容延釗李處耘假道荆南討張文表

三月周保權執文表誅之處耘至襄州遣丁德裕諭繼冲歸命處耘襲荊州高繼冲降

置京東西路襄均諸州屬京西路

太宗端拱四年以襄王元侃為開封尹進封壽王

神宗其年量移知夷陵縣歐陽脩知乾德縣

徽宗宣和元年陞襄州為襄陽府



宰相議奉帝出荆襄李綱諫止之

高宗建炎元年詔荆南襄陽脩城以備巡幸

紹興元年置安撫荆湖諸路制置司

二年光化節度使宇文虛中應詔使絕域張浚以程

于新為荆西制置使軍襄陽

三年八月置襄陽路

五月盜桑仲據襄陽

四年置鎮撫使六人以陳求道襄陽府鄧隨郢州范

之才金均房州

戊戌以桑仲為襄鄧隨郢州鎮撫使

乙卯桑仲陷均房郢州

桑仲卒盜也以其

之用又如此欲

戊午荆襄賊趙延壽起德安府陳鉅却之

己未金均房安撫使王彥討桑仲戰于平麓敗之桑

仲自棗陽引兵還襄陽王彥復金州金人逐桑均房

桑仲遣李橫復寇金州王彥大破之均州平

乙未桑仲如郢州調兵守將霍明殺之以霍明權襄

鄧隨郢州鎮撫使

庚戌以李橫為神武軍副統制京西招撫使

李橫佐桑仲為

襄陽府志  
卷之三  
壬寅僞齊李成寇襄陽李橫奔荆南成遂陷京西六郡

巳酉盜田政自襄陽攻陝州

甲寅以岳飛兼荆南制置使

秋七月岳飛復襄陽等六郡

九月詔免襄陽等六郡租稅

以金房州隸襄陽路

詔淮南襄陽府團結民社

命張浚視師川陝荆襄

十二月乙亥命襄陽爲諸郡參將提點屯田

以岳飛爲湖北襄陽招討使

復以襄陽府路爲荆西南路

岳飛自九江屯襄陽

岳飛遣牛皋禦僞齊

十一年九月前軍副統制張俊誣副統制張憲謀據襄陽遂收之

和議成遣使割唐鄧商秦之地以畀金

金主亮爲其下所殺屯戍荆襄兩淮軍皆北還

孝宗乾道五年詔江澈都督荆襄軍馬

寧宗嘉定三年金人陷荆西招撫使趙淳焚樊城以遁



壬寅僞齊李成寇襄陽李橫奔荆南成遂陷京西六郡

巳酉盜田政自襄陽攻陝州

甲寅以岳飛兼荆南制置使

秋七月岳飛復襄陽等六郡

九月詔免襄陽等六郡租稅

以金房州隸襄陽路

詔淮南襄陽府團結民社

命張浚視師川陝荆襄

十二月乙亥命襄陽爲諸郡參將提點屯田

以岳飛爲湖北襄陽招討使

復以襄陽府路爲荆西南路

岳飛自九江屯襄陽

岳飛遣牛皋禦僞齊

十一年九月前軍副統制張俊誣副統制張寬謀據

襄陽遂收之

和議成遣使割唐鄧商秦之地以畀金

金主亮爲其下所殺屯戍荆襄兩淮軍皆北還

孝宗乾道五年詔江澈都督荆襄軍馬

寧宗嘉定三年金人陷荆西招撫使趙淳焚樊城以遁

襄陽府志  
卷之六  
造戰艦

八月增置襄陽騎軍

十年夏五月趙方遣統制扈再興鈐轄孟宗政等救襄陽金人敗走

十一年春二月金人圍襄陽孟宗政等擊敗走

十二年金人圍襄陽趙方使許國等帥師救之夏六月孟宗政扈再興擊金人于襄陽大破之

理宗紹定四年春蒙古兵于襄陽白河萬山鹿門山寨城堡詔知郢州崔貴兩淮都統張世傑申嚴備禦

元兵圍襄陽京湖都統張世傑帥馬步舟師圍之戰步騎來拒阿朮帥騎兵敗之

度宗咸淳元年冬十月以呂文煥知襄陽府

四年秋七月阿朮劉整圍襄陽

范文虎率劉義夏松等舟師十萬援襄陽元阿朮率諸將迎擊奪戰船百餘艘劉義等敗走平章公益又遣萬戶解汝楫等邀擊擒總管朱日新

元南京官慰劉整奏攻宋方畧宜先襄陽

五年春正月蒙古圍樊城城鹿門阿朮統兵圍襄陽六年春元發民兵一萬赴襄陽

七年元均房總管孫嗣擒統制朱興祖等



襄陽府志  
以夏貴為沿江制置使援襄樊貴至襄陽與呂文煥  
交語還

襄樊圍急詔范文虎總中外諸軍救之

夏六月范文虎率師至鹿門而還

襄陽出步騎萬餘人兵船百餘艘米趨萬山三千元  
脫脫擊却敗之

元發清倉鹽二十四萬轉南京米十萬石並給襄陽  
元以南京南陽歸德等民賦折米私貯于便近地以  
給襄陽軍食

五月元以宋道兵圍守襄陽命將四出以牽制之

秋九月阿朮圍襄陽

八年夏五月李廷芝使統制張順將兵救襄陽戰敗  
死之

乙丑樊城破范天順牛富死之

元世祖至正九年春正月襄陽陷二月呂文煥以襄陽  
降于元夏四月元授文煥昭勇大將軍侍衛親軍都  
指揮使司襄漢大都督令諭襄陽未下之州

元勅襄陽造戰船千艘

元賞襄陽生熟券軍冬衣有差

元阿里海牙立襄陽至荆南三驛

十二年九月以襄陽官牛五千賜貧民

乙酉元罷襄陽統軍

十三年六月命東征元帥府選襄陽生券軍五百充侍衛軍

十四年三月復立襄陽府襄陽縣

以襄陽屯田四百戶代軍當驛役

成宗大德元年免武當山新附軍徭賦

十一年徙襄陽屯田合賈魯軍于南陽戶受田百五十畝給種牛田具

五年詔南陽府屯田池給新籍畏吾兒戶俾耕以自

贍于襄陽

順帝十六年二月以河南廉訪使哈藍及兒只爲荆湖

北道宣慰司都元帥守襄陽詔也先帖木兒討南陽

襄陽賊

夏四月命亦都護月魯帖木兒領畏吾兒軍馬同豫

王阿剌忒的失里知樞密院事老章討襄陽南陽鄧

州賊

十五年徐壽輝兵陷襄陽路我

大明兵起命湖廣行省平章事桑哥亦禿渾及禿禿守

禦襄陽



十六年三月辛巳徐壽輝寇襄陽丙寅命阿因班太子與陝西行省官同討之

八月丙辰奉元路制官王淵等以義兵復商州陞淵同知關商襄鄧等處宣慰司事

二十年以張良弼爲湖廣行省叅知政事討南陽襄鄧

秋察罕帖木兒以兵分鎮關陝荆襄河路

二十二年詔李思齊討南陽張良弼平襄漢

二十四年己卯

大明兵破襄陽路

二月我

大明立湖廣中書省以鄧愈爲湖廣行省鎮襄陽

國朝洪武元年命御史大夫鄧愈統領襄陽等衛官軍

征取淮漢迤北未附州郡

二十三年五月詔求仙人張三丰于武當不見其徒丘玄清至京超拜太常寺卿

秋七月鄧愈克隨州

成祖文皇帝永樂十六年冬十二月隆平侯張信駙馬都尉沐昕脩太和山宮成遣官祭告

御製碑文賜山名太岳以工部郎中葛平爲叅議兼提

警

宣宗章皇帝宣德元年召太和山佃戶陳祚為監察御

史

英宗睿皇帝正統九年襄王瞻塔自長沙徙封襄陽

天順元年襄王入朝

先是上才之變王兩上疏懇安  
命皇太子居攝天

位急發諸府庫募勇敢之士務調迎復仍乞訓諭

王盡心輔政奉上時景泰已即位八月矣至是得

于會中上覽之感動手勅遣太監夏時取王入朝

禮待甚隆賜護衛旗手司鷹坊司及山地五千餘

項王還國賜送午門外奏者

八年上復召襄王入朝王以老辭許之

憲宗純皇帝成化元年郎襄盜起都御史王恕討平之

二年荆襄流民劉千斤石和尚李胡子等反

三年靖虜將軍朱永兵部尚書白圭擒劉千斤誅之

七年春正月襄陽賊石和尚等復反右都御史項忠

討平之

十二月春正月原傑經畧郎襄遂設郎陽府及湖廣

行都司衛所

二十一年唐鄧盜起都御史劉璋平之

孝宗敬皇帝弘治八年都御史金澤捕荆襄群盜

襄陽府志

卷三

御製



襄陽府志 卷之三  
十三年秋七月何淮作亂于宜城都御史陳清檄僉  
事李善討之

武宗毅皇帝正德七年春賊趙燧掠襄陽二月都御史  
彭澤遣兵追及西平大破之

世宗肅皇帝嘉靖元年均州徐學作亂都御史徐蕃平  
之

十八年上大狩承天渡漢江

御製文遣重臣諭祭晉鉅平侯羊祜

襄府陽山王厚頰朝于行宮上詔王襲襄王爵

王康王從弟康王久病心疾王在樺年暫令  
鎮寧王祐攝代理至是王漸長故有是命

三十七年遣工部侍郎陸杰脩太和宮觀

御題坊表曰治世玄嶽

三十年襄王進銀助軍上佳之降勅獎諭

三十七年襄王進銀及楠木助工

上遣兵部郎中汪道昆賜王卷衣手勅獎諭

三十九年城樊城

穆宗恭皇帝隆慶元年新撫民副使徐學謨兼郎襄

兵備從都御史孫嘉  
鑿之請也

脩襄陽城兵使徐學謨知府陳濟主  
其事通判顧大陞董其俊

今上萬曆元年遷光化城憲使楊一魁知府黃思進  
主其議通判馬昌董其俊

襄陽府志 卷之三 郡下

二年撫治都御史孫應鰲請加提督軍務許之

均田賦開府趙賢孫應鰲王世貞部使李秋等會擬憲使楊之魁潘參李日強部守萬振孫董之

每部議銀二分不等

詔革富樂術

陟兵巡副使楊一魁為布政司右叅政仍兵巡郎襄

從士民之請也

脩宜城縣城叅政楊一魁叅議李日強知府萬振孫會議知縣雷嘉祥任之

三年田地均兵使楊一魁潘參李日強部守萬振孫實綜其事委襄陽縣尹尹廷佐縣丞沈

之

大理寺少卿胡價請移封本生父母父卒又請終制

詔許之著為令

置府縣學田府縣舊無學田知府萬振孫置田若干頃以給諸生

建社倉知府萬振孫知縣尸廷俊置

復樊城諸葛忠武侯羊侯專祀舊有專祀後以有獻徵祠合祀故革知府

萬振孫以三公有大力德于襄復之

四年始置閑宅守藩條例以高墻歲久人多許各王府置閑宅以安置宗藩之不法者獨

襄陽未置至是兵使余希周始置于縣前

十月老龍堤成憲使楊一魁余希周知府萬振孫總其事通判張拱董其役舊用磚歲

地歲脩至是鑿以巨石足垂永遠真百世利也

八年龍虎山正一人張國祥入覲勅齋香播同



皇親中貴八柝嗣于玄岳皇親等不聽馳驛內帑給  
之奉 宣文慈聖皇太后之旨也

復宮樂術

親王樂工二十一人

高皇帝所定我在

題稱親

聖體尊其燕享皆得用樂不獨迎接

詔制

為然若樂從裁非使王國樂制缺而不備非體

廷臣會議請復如制

襄陽府志卷之四

星野

叙曰易稱在天成象在地成形此星野之說所由始也  
周官保章氏以星土辯九州之地所封封域皆有分星  
此星野之說所由詳也蓋天地以形氣自相依附故躔  
次星野災祥類應理或有之但紫陽朱子以為分野之  
說始見於春秋而詳於漢志然今左傳所載大火辰星  
之說又却只因其國之先魯主二星之祀而已初無以  
某地屬某星之說然後來占星者又却多驗殊不可曉  
由此觀之星野之說在先儒且或疑之矣即如星家之

說則襄陽屬荆屬豫而又介于雍其分野非可以一定  
是又有難言者也故茲畧稽往籍而折衷之志星野

正占

春秋緯云自大別以東至雷澤九江荆州屬衡星

星經云玉衡星主荆州常以五卯日候之乙卯爲南陽  
巳卯爲零陵辛卯爲桂陽癸卯爲長沙丁卯爲武陵

廣雅云荆屬衡星

左傳云襄公二十三年歲星滂于玄枵裨竈曰歲棄其  
次而旅于明年之次以害鳥帑周楚惡之釋者曰帑尾  
也此明鶉尾爲楚分

漢志云張周分也亦爲楚

春秋元命苞云軫星散爲荆州

宋天文志北斗第二星曰璇其分爲楚

史記云翼軫荆州

星經云翼二十二星凡十九度軫四星凡十七度參  
月令章句云起張十二度至軫六度爲荆州費直說周  
易云起張十三度

魏陳卓郡國躔次云自張十卷度至軫十一度爲鶉尾  
於辰在楚楚之分野屬荆州

皇甫謐帝王世紀云自張十八度至軫十一度曰鶉尾



之次於辰在巳謂之大荒落於律爲夷則斗建在申今  
楚分野

晉書云翼軫楚荊州南陽入翼六度南郡入翼十度  
舊唐書云翼軫鶉尾之次巳初起張十五度中翼十二  
度終張九度其分野自房陵白帝而東盡漢之南郡  
新唐書云鶉尾直建巳之月內列太微爲天庭其分野  
自南河以負海亦純陽地也

唐書云布太微之政而在翼維外者鶉尾也故爲列山  
氏之墟

唐書云分鄧隨泌均爲鶉火

爾雅邢昺疏云巳爲鶉尾初張十八度終軫十一度  
石氏星經云南宮赤帝其精朱鳥爲七宿并有鬼目柳  
象星頸張喙翼翮軫尾司夏司火司南岳

天原發微云斗杓治外鶉尾也爲南方負海之國

周禮疏云翼軫鶉尾也翼與昧張同象當南河之地軫  
在天關之外當南河之南南陽漢東與鶉尾同占

大明清類云自柳四度至張十五度屬周分三河河南  
許唐鄧隨光化號陝商洛信陽及新鄭之西偏皆周分  
也

附占

襄陽府志 卷之四  
文獻通考云角亢氐韓之分野蕪得秦楚之交

宋天文志云太微垣三台六星兩兩而居其西近文昌

二星曰上台爲司命上星主兗豫下星主荆揚

論語摘輔象云兗豫屬上台荆揚屬下級

宋天文志云天市垣西藩十一星南一曰魏二曰楚

史記云辰星以其宿命國是正四時仲夏出郊東井與

鬼柳東七舍爲楚

星經云熒惑主霍山楊荆交州

史記云吳楚之疆候在熒惑占於鳥衡

唐書云星紀鶉尾以負南海其神主於衡山熒惑位焉

宋天文志云十二國十六星在牛女南近亢坎其魏西

一星曰楚

張衡云五車星在畢宿北五帝座也東南中一星曰司

空主垣星彗分荆州

論曰荆楚雖屬張翼軫然南陽入翼六度而均州光

化穀城棗陽則古南陽也南郡入翼十度而襄陽宜城

南漳則古南郡也然則襄陽郡蓋屬翼分爲多矣然天

道遠而難叫人道邇而易見古先哲王所以惓惓於象

緯之占者非徒以探幽蹟鶩懸合爲奇也蓋將以觀象

察變脩省闕違盡人以合天也宋景公時熒惑守心司



襄陽府志卷之五  
襄陽府志卷之一終  
星子幸欲移之民移之相移之歲而景公三不從卒詎使之徙舍而宋亦不災漢光武時客星犯帝座甚急而光武以子陵同卧當之議者以爲即此下賢一節亦足以消弭其變故天之高也聽則卑星辰之遠也視則近其闢犯其飛流其守歷凌隕詳而占之省而策之則可以轉災爲祥變禍爲福而上天仁愛之心人君欽若之道兩得之矣

襄陽府志卷之五

沿革

叙曰堯時禹分天下爲九州曰荆楊雍豫徐梁青兗冀至舜分爲十二州周復合爲九州時則襄陽爲荆爲豫而介于雍自秦章封國爲郡十四而漢因之則襄陽爲南郡爲南陽郡其制固易攷見也及晉宋以後南北分裂務爲夸大僑置諸州以會稽爲東楊京口爲南徐廣陵爲南充歷陽爲南豫歷城爲南冀襄陽爲南雍離析磔裂循名失實時則襄陽又獨爲雍矣此猶其變易之大者而况其間或爲侯國或爲州或爲郡或爲府或爲

縣或爲道或爲軍或爲路分合靡常變置不一使不詳書而備錄之其何以信而有徵乎故今一據正史考其建置所由而編次之且附表于其後志沿革

按襄陽府領州一縣六在禹貢襄陽南漳穀城爲荆宜城棗陽光化爲豫而均州則豫而介于雍在周襄陽爲鄆鄧宜城爲都南漳爲廬穀城爲穀皆封國在春秋則五國俱屬楚又有謝國陰國麇國焉謝爲棗陽陰爲光化而麇即均州也或以穀屬魯非也河南另有穀城謝屬魯陰與麇俱屬楚秦昭襄令白起攻楚遂取鄆鄧爲南郡鄆即鄆也始皇得天下革五等爲四十郡以漢北爲南陽郡南爲

南郡漢初因之如臨沮宜城中廬即襄陽郡屬南郡

中廬即

如鄧陰山都棘陽蔡陽春陵筑陽穰武當鄧屬

南陽郡

蔡陽春陵

而鄧及春陵爲封國也武帝攘却胡

越開地斥境南置交趾北置朔方兼徐梁幽并夏周之制攷雅曰涼改梁曰益凡十三部置刺史各一人其三

輔三河弘農則置司隸校尉部如二郡則荊州刺史部

也秦更南陽爲南隊南郡爲南順鄧爲南夷筑陽爲宜

禾穰爲農穰襄陽爲相陽仍屬荊州刺史部世祖興蓋

復漢舊但南陽之山都蔡陽陽南郡之中廬即宜城

都臨沮俱爲封國耳獻帝初平元年以劉表爲荊州刺



史徒治襄陽此時襄陽尚爲縣也建安十三年魏得荆州分南郡以北立襄陽郡又分南陽西界立南鄉郡于是襄陽始爲郡矣及赤壁戰敗南郡以南屬吳後遂與蜀三分荆州以南郡零陵武陵三郡爲蜀江夏賁陽長沙三郡爲吳而南陽襄陽南鄉三郡爲魏劉備之後所分之地采復屬吳而荆州南北角立晉亦置荆州襄陽郡仍舊分南陽立義陽郡改南鄉爲順陽郡以宜城中廬臨沮卽襄陽山都鄧城屬襄陽以鄧武當陰琿陽屬順陽以穰鄧蔡陽棘陽屬義陽東晉僞置雍州以雍州沒下劉石符姚流人聚于此故也宋文帝割荆州置

雍州皆治襄陽齊梁因之並爲重鎮後梁蕭岑附庸於西魏而都于此西魏改曰襄州其間所屬建置更革不常難以悉舉馬端臨所謂割裂不可詳者也隋復爲襄陽郡領襄陽安養穀城上洪率道漢南陰城義清南漳郡而蔡陽棗陽則屬春陵郡穰屬南陽郡光化屬漢東郡武當均陽屬淅陽郡而皆隸於山南道唐分置十五部節度使此爲山南東道更襄陽郡爲襄州領襄陽南漳鄧城穀城義清樂鄉宜城而鄧隨均別爲州穰屬鄧棗陽光化屬隋武當屬均焉五代之際歐陽公所謂亂世文字不完而時有廢省又或陷于夷狄不可考究其

詳今據史則襄鄧隋均四州故屬山南東道梁唐之際  
 改襄州為忠義軍後以延州為忠義仍以襄州屬山南  
 東道梁分鄧州置宣化軍唐改曰威勝周改曰武勝宋  
 沿五代初都于汴其豫州之境俱為京師輔郡置京東  
 西路此為京西路升均州為武當軍而領武當縣治武  
 當宣和元年升襄州為襄陽府領襄城鄧城穀城中廬  
 宜城南漳治襄城南渡後二路俱沒于金惟存京西之  
 襄陽均州隋州棗陽光化而已于是置京西安撫荆湖  
 制置司以領之棗陽光化故屬隋州紹興十二年升棗  
 陽為軍乾德初年升光化為軍領乾德熙寧五年廢軍  
 改乾德為光化縣隸襄陽元祐初復為軍領乾德至元  
 九年文煥以襄陽降元元更為襄陽路隸湖廣行省棗  
 陽光化仍為縣武當軍復為均州並屬襄陽府襄陽府  
 共領襄陽宜城南漳棗陽穀城光化均州武當  
 國朝更路為府隸湖廣布政使司領均州及襄陽宜城  
 南漳棗陽穀城房鄖竹山上津光化縣治襄陽成化十  
 三年割房鄖竹山上津四縣置鄖陽府領之今襄陽府  
 領州一縣六

沿革表

世代

總隸

郡

縣



襄陽府志 卷之五

夏 荆

豫

今襄陽

今宜城棗陽光化

豫 雍

今均州

殷

同

周

鄭

鄧

郟

盧

穀

楚

鄭

春秋

州而又析為武當縣領之焉宋為武當軍元為均州武當屬襄陽路

國朝省武當入均州屬襄陽府領鄖縣成化間設鄖陽

府割縣屬之編戶八里

沿革表

世代

總領

郟

州

夏

豫 雍

殷

同

春秋

楚

麇

秦

南陽

武當縣

襄陽府志

卷之五

沿革表

西漢

建 荊州刺史部

南陽

武當縣

東漢

同

南鄉

武當縣

魏

都督荊州

順陽

武當縣

西晉

山南道行臺

淅陽

武當縣

隋

山南東道節度

均州

武當

唐

京西路

武當軍

武當

宋

湖廣行省

襄陽路

均州

武當

元

湖廣布政司

襄陽

均州

領鄖縣後設鄖陽府

國朝

東晉

僑置雍州

同

宋

割荊州置雍州

齊

同

梁

同

後梁附庸西魏都襄陽

隋

山南道總管府

襄陽

襄陽安養穀城上沔中道漢陰城義濟南漳都

春陵

南陽

穰

漢東

光

淅陽

武當均陽

六朝分裂其間郡縣建置業未可詳



唐

南東道節度使

襄州

襄陽南漳鄧城穀城義陽樂鄉宜城

鄧州

穰

隨州

棗陽光化

均州

武當

五代

同

同

但梁唐改襄州為忠義軍後以兵州為忠義此復舊分鄧州置宣化軍唐改威勝府改武勝

宋

京西路

襄陽

南漳

武當軍

武當

棗陽軍

乾德

光化軍

元

湖廣行省

京西路

襄陽 宜城 南漳 棗陽 穀城 光化 均州 武當

國朝

湖廣布政司

襄陽府

襄陽宜城南漳棗陽房州竹山穀城上津光化為州成化間割房州竹山上津置鄖陽府此屬州一縣六

襄陽縣附郭禹貢荊州之地周為鄧鄧樊宣王封仲山

甫于樊今樊城是也春秋時屬楚漢為襄陽縣以在襄

水之南故名屬南郡又割鄧屬南陽武帝時置十三部

刺史屬荊州刺史部新莽改為相陽東漢復舊魏得荆

州置襄陽郡以縣屬焉名樊城晉漢復舊又析為鄧城

鄧二縣屬襄陽又析為鄧縣屬義陽隋為襄陽安養二

縣屬襄陽郡唐為襄陽鄧城屬襄州宋為襄城鄧城屬

襄陽府元為襄陽屬襄陽路

國朝因之編戶一十九里

沿革表

世代

總隸

郡

縣

夏

荊州

殷

同

周

鄆侯國

鄧侯國

春秋

楚

樊侯國

鄆侯國

鄧侯國

西漢

荊州刺史部

南郡

襄陽

莽

同

南順

相陽

東漢

同

南郡

襄陽

魏

同

襄陽

樊城

西晉

都督荊州

襄陽

襄陽

鄧城

隋

山南道總管

襄陽

襄陽

安養

唐

山南東道節度

襄州

襄陽

鄧城

宋

京西路

襄陽

襄城

鄧城



元

湖廣行省

襄陽路

襄陽

國朝

湖廣布政司

襄陽

襄陽

宜城縣在府城東南一百二十里禹首豫州之地周為都春秋時屬楚為鄢即都也秦為郢縣屬南郡漢改宜城仍屬南郡武帝時置十三部刺史隸荊州刺史部東漢因之魏屬襄陽郡晉析為三縣即宜城屬襄陽郡屬南郡隋為上洪漢南率道都屬襄陽郡唐為樂鄉宜城屬襄州宋為宜城屬襄陽府元仍舊國朝因之編戶七里沿革表

沿革表

世代

總隸

郡

縣

夏

豫州

殷

同

周

鄧侯國

春秋

楚

鄢

即鄢子國

秦

南郡

郢

西漢

建元荊州刺史部

南郡

宜城

東漢

同

魏

同

襄陽

宜城

西晉 都督荊州 襄陽 郡 宜城

南郡 郡

隋 山南道行臺 襄陽 上洪 漢南率首

唐 山南東道節度 襄州 樂鄉 宜城

宋 京西路 襄陽 宜城

元 湖廣行省 同

國朝 湖廣布政司 同

南漳縣在府城西南一百二十里禹貢荊州之域於周為廬春秋為廬戎秦為伊廬屬南郡漢析置中廬山都臨沮三縣以山都屬南陽餘屬南郡武帝特置十三部

刺史隸荊州刺史部東漢三縣皆為侯國晉為臨沮山都中廬屬襄陽郡又析為穰屬義陽郡隋為南漳屬襄陽以穰屬南陽郡唐為義清南漳屬襄州以穰屬鄧州宋為南漳中廬屬襄陽府元為南漳屬襄陽路國朝因之編戶一十三里

沿革表

周	同	同	同
夏	同	同	同
殷	同	同	同
世代	總隸	郡	縣
	荆州		
	同		
	靈		



春秋

楚

盧戎

伊盧

西漢

并荆州刺史部

南郡

中廬 臨沮

東漢

同

同

中廬 臨沮 皆侯國

魏

同

襄陽

山都侯國 臨沮 山都 中廬

西晉

都督刺史

襄陽

臨沮 山都 中廬

隋

山南道行臺

襄陽

南漳

唐

山南東道節度

襄州

義清 南漳

宋

京西路

襄陽

中廬 南漳

元

湖廣行省

襄陽

南漳

國朝

湖廣布政司 同

棗陽縣在府城東北一百四十里禹貢豫州之域周為

謝封元舅申伯春秋謝屬魯西漢為棘陽蔡陽春陵侯

國屬南陽郡武帝置十三部刺史隸荊州刺史部東漢

改春陵為章陵蔡陽為侯國棘陽仍舊屬南陽荊州刺

史部魏廢章陵餘仍舊屬南陽晉為蔡陽棘陽屬義陽郡隋改棘陽為棗陽升蔡陽屬春陵郡唐為棗陽屬襄州宋為棗陽屬隨州南渡後升為軍元為棗陽縣屬襄陽路

國朝因之編戶五里

沿革表

世代

總領

郡

縣

夏

豫州

殷

同

周

謝

春秋

魯

謝

西漢

建元荊州刺史部

南陽

棘陽 蔡陽 春陵侯國

東漢

同

同

棘陽 章陵 蔡陽侯國

魏

南荊州

南陽

蔡陽 棘陽

西晉

都督荊州

義陽

蔡陽 棘陽

隋

山南道行臺 春陵

蔡陽 棗陽

唐

山南東道節度 棗州

棗陽

宋

京西路

隨州

棗陽

元

湖廣行省

襄陽

棗陽

國朝

湖廣布政司

襄陽

棗陽



穀城縣在府城西一百四十里禹貢荊州之地在周為穀春秋穀屬魯西漢為筑陽以在筑水之陽故名屬南陽郡武帝置十三部刺史隸荊州刺史部莽改宜禾東漢為陰為筑陽侯國仍屬南陽刺史部西晉為陰筑陽屬順陽郡隋為穀城縣屬襄陽郡唐為穀城縣屬襄州宋為穀城縣屬襄陽府元仍舊國朝因之編戶一十五里

沿革表

夏	總領	郡	縣
荊州			

殷

同

周

穀

春秋

魯

穀

西漢

建元

荊州刺史部

南陽

筑陽

莽

同

南隊

宜禾

東漢

同

南陽

陰

筑陽侯國

西晉

都督刺史

順陽

陰

筑陽

隋

山南道行臺

襄陽

穀城

唐

山南東道節度

襄州

穀城

宋

京西路

襄陽

穀城

元	湖廣行省	襄陽	穀城
國朝	湖廣布政司	襄陽	穀城

光化縣在府城西北一百八十里禹貢豫州之域周亦穀地春秋為陰分自于穀秦為陰屬南陽郡西漢為鄧侯國屬南陽郡武帝時置十三部刺史隸荊州刺史郡莽更南庚東漢復舊西晉屬順陽隋為光化縣屬漢東郡唐為光化縣屬隨州宋升為光化軍領乾德熙寧後乾德為光化縣屬襄陽府元祐復為軍領乾德元復為光化縣屬襄陽路國朝因之編戶六里

沿革表

東漢	同	南陽	鄧
莽	同	南陽	南庚
西漢	建荊州刺史部	南陽	鄧侯國
秦		南陽	陰
春秋		陰 <small>分自穀</small>	
周	穀		
殷	同		
夏	豫州		
世代	總領	郡	縣



西晉

都督荊州

順陽

鄭

隋

山南道行臺

漢東

光化

唐

山南東道節度隨州

光化

宋

京西路

光化軍

乾德

元

湖廣行省

襄陽

光化

國朝

湖廣布政司

襄陽

光化

均州在府城西北三百九十里禹貢雍豫二州之域春秋為麇屬楚秦為武當縣屬南陽郡漢初因之武帝時置十三部刺史隸荊州刺史部東漢不改三國屬南鄉郡西晉屬義陽郡隋為武當均陽屬浙陽郡唐改為均

州而又析為武當縣領之焉宋為武當軍元為均州武當屬襄陽路

國朝省武當入均州屬襄陽府領鄖縣成化間設鄖陽府割縣屬之編戶八里

沿革表

世代

總領

郡

州

夏

雍州

殷

同

春秋

楚

麇

秦

南陽

武當縣

西漢	元建	荆州刺史部	南陽	武當縣
東漢	同		南鄉	武當縣
魏			南鄉	武當縣
西晉	都督荆州	順陽	武當縣	武當縣
隋	山南道行臺	浙陽	均陽縣	武當縣
唐	山南東道節度	均州	武當	武當
宋	京西路	武當軍	武當	武當
元	湖廣行省	襄陽路	均州	武當
國朝	湖廣布政司	襄陽	均州	領鄖縣後設鄖陽府割縣屬之

論曰物必有始故表從其始如郡國始于夏商之際從禹貢所分州也襄陽始于漢魏之際從曹氏所立郡也宜城始于漢故表自漢南漳棗陽穀城光化始于隋故表自隋均州始于唐故表自唐於乎郡邑猶昔郡邑也而醇漓文質古今不相及何蓋風俗與化移易政理與道汚隆體國長民者觀郡邑沿革之勢而思通變以宜之沿于道之所不可不沿革于道之所不可不革則郡邑其古而不今矣夫子亦云乎斯民也三伐之所以直道而行也



襄陽府志卷之五

襄陽府志卷之六

山川

叙曰州縣之設有時變遷山川之形千古不易故揚州可移而會稽具區之揚州不可移也益州可變而劍閣錦江之益州則如故也三國嘗分荊州矣洞庭七澤豈因分而分劉石嘗割荊州矣易水燕山不因割而割此禹貢分州不以山川爲定而唐僧一行論星野亦不主於州國有以也襄陽自秦漢以來沿革不常名號互易至其江漢之紀南國太岳之敵五山逝者如斯而來往也應地無疆而不可轉也職方有紀山海有經

不變以觀至變志山川

襄陽府 襄陽縣附

峴山 在縣南七里高五百步東臨漢水有漢武

峴山 半枯碑及祠按枯鎮襄陽皆與從登此遠望者委

矣昔涇汝無間淮對曰公德冠四海道嗣前哲令聞今

望當與此山俱傳及枯汝襄人屬其德立祠刻碑其

上過者見之莫不流涕杜預翁其碑為墮漢東白

頭山 在縣西南三里元阿平晉驛馬此山指漢東白

新城龜山 在縣西南三里上建真武廟有碑石裏人

先主楚山 在縣西南八里晉秦與齊神魏文楚登此山

亭趙清老刻或鳳凰山 在縣東南五里梁武

云又名馬鞍山 在縣東南五里梁武

十里有解珮渚事見阿頭山下襄紫蓋山 在縣西北

沔記以峴山萬山卷蓋山為三峴

峴山 在縣西五里以水谷隱山 在縣東南

峴山 在縣西阿頭山 在縣東南

峴山 在縣西阿頭山 在縣東南

峴山 在縣西阿頭山 在縣東南

峴山 在縣西阿頭山 在縣東南

襄陽府 襄陽縣附

襄陽府 襄陽縣附

峴山 在縣南七里高五百步東臨漢水有漢武

峴山 半枯碑及祠按枯鎮襄陽皆與從登此遠望者委

矣昔涇汝無間淮對曰公德冠四海道嗣前哲令聞今

望當與此山俱傳及枯汝襄人屬其德立祠刻碑其

上過者見之莫不流涕杜預翁其碑為墮漢東白

頭山 在縣西南三里元阿平晉驛馬此山指漢東白

新城龜山 在縣西南三里上建真武廟有碑石裏人

先主楚山 在縣西南八里晉秦與齊神魏文楚登此山

亭趙清老刻或鳳凰山 在縣東南五里梁武

云又名馬鞍山 在縣東南五里梁武

十里有解珮渚事見阿頭山下襄紫蓋山 在縣西北

沔記以峴山萬山卷蓋山為三峴

峴山 在縣西五里以水谷隱山 在縣東南

峴山 在縣西阿頭山 在縣東南

峴山 在縣西阿頭山 在縣東南

峴山 在縣西阿頭山 在縣東南

峴山 在縣西阿頭山 在縣東南



紀楚為揚橋 伏龍山 縣南二十里宋會稽知獨樂山

之役 西北一十里孔明 百丈山 香歌劉表嘗遣人採藥遇吹

管于此作深父吟 石蓮 香芳 魏非人間所有 土門山

穴得麝香數斗如 宋與國以百銀 鶴子山 近鶴西川故名 方山 在縣西北

元兵逼襄陽 其形如門故名 謝莊洞 聖人洞 有一翁遊此形貌

水曲之隈云漢女昔遊處張衡南都賦云遊女并珠 謝

漢鼻之曲漢鼻即方山之異名以方城而名曰方山 唐時

公岩 謝希逸會遊 謝莊洞 聖人洞 縣西北 白馬洞 縣

西 南蠻王洞 在縣南 碧雲洞 在縣西 漢水 縣西北出大

安軍 漢陽縣大別山入江 白河 在縣東北源出南陽

東入唐河 唐縣故與白河相對 滾河 在縣東北源出南陽

唐白 泥河 在縣東北九十里 清河 在縣東北十里

在縣北七里 淳河 在縣東三十里 黃龍港 在縣東北四

東流入白河 竹篠港 在縣西流入漢江 沙河港 在縣南四十五里

江 山港 在縣南五十里 石牌港 在縣西北三十里 金水港 源

桃花嶺由檀溪至 田塍港 在縣東南三 隆盛港 在縣東

里入魚蒲潭 潭深而聚魚 鴨湖 在縣西 烈 沉碑潭

在縣西北五里昔杜預南征紀功二碑 斬蛟渚 在縣

立峴山一沉萬山下潭中一名萬山潭 馬跑泉 在縣

選拔勳入水斬之患息檀溪 馬名的盧自樊西走至此

漢中溺不飲出備急日的盧今日厄 馬跑泉 在縣

上峴山 白馬泉 泉池 韓公井 詳見名宦 孝義井 在城內

于尹 王燦井 一在萬山東 葛井 在縣西二十里 黑虎池 在縣東

在縣東 濯筆池 昭烈嘗濯筆于此 白公湍 秦白起伐五 娘子洲 在縣東五里 虎尾洲 在縣南三十里 蔡洲 在漢水中漢蔡

造其解珮渚 在阿頭山下有曲隈鄭 家 遇仙女解珮處

宜城縣

兩耳山 在縣東四十里 赤山 在縣東南五十里 土石皆 嘗釣於此 五車山 在縣東北二十里 俗傳有紫蓋山 在 名釣魚洞 鳳山 在縣南四十里 石梁山 在縣西三十里 形 似蓋故名 鳳山 在縣南四十里 石梁山 在縣西三十里 形 似橋梁上有雁德 公女觀山 在縣西南五里 牛心山 在縣西南 毓秀山 在縣南 兩乳山 在縣東

船山 在縣南四十里 團山 在縣南四十里 馬頭山 在縣東 兩乳山 在縣東

十里如兩乳狀 香爐山 在縣東四十里 狀類香 川牛山 在 形名鐵砧山 在縣東八里 萊公山 在縣西二十五里 小尖山 在 俗號冲天鳳 蚌山 在縣西三十里 地似蚌 鷄鳴山 在 五里相傳真武遊 偏頭山 在縣東三十里 武至頂上 遂偏 天龍山 此值鷄鳴時故名 鷄鳴山 在縣東四十里 南泉山 在縣東七十里 鷄子山 在縣東四十里 牛心山 在 上有天龍坑 南泉山 在縣東七十里 鷄子山 在縣東四十里 牛心山 在 虎崖 在縣北 滴水崖 在縣南五十里 下滴水崖 在縣南五十里 夫子壩 縣南曰十里相 赤湖岡 在縣南五十里 古羊岡 在縣西北四十里 名走馬岡 在縣南六十里 仙人洞 在縣南六十里 漢水 在縣東四十里 水嶺 在縣南六十里 荆門二界 王家嶺 在縣東四十里 漢水 在縣東四十里 蟠冢山 在襄陽經 蟹河 在縣南六十里 入漢江 清水港 在縣東

縣東北入安陸

縣東北入安陸

縣東北入安陸

縣東北入安陸

縣東北入安陸

縣東北入安陸

縣東北入安陸

縣東北入安陸

縣東北入安陸

縣東北入安陸

縣東北入安陸

縣東北入安陸

縣東北入安陸

縣東北入安陸

縣東北入安陸





里許 甘泉井 在縣中 甘泉井 在縣中 千佛井 在縣北 八角琉璃井 在縣南

二 杜康井 在縣治東 關王井 在縣東六十里 林公井 在縣西

紫蓋山下 鑿者八角井 石梁山嶺 朱公井 在縣西 遺其木塔焉

知縣朱崇 鑿於治東 舍余家井 在永豐 老八角井 在

後泉味 甘美 人甚便之 深六丈 八角井 在

深山黑龍 板倒井 在朱家港 漢光武入蒸 八角井 在

大王廟前 板倒井 陽經 此人馬俱渴 故名

鳳凰山 在縣西 泰鴻山 在縣治 玉溪山 在縣高峻 四翠

山 在縣南三十里 東望襄陽 西望清溪山 在縣南六十

此賦詩云 清溪千舞 旗山 在縣東 老鴉山 在縣南 羊角

餘仞中有一道士 舞旗山 在縣東 老鴉山 在縣南 羊角

山 在縣西 荆山 在縣西 八十里 山 三面險絕 惟西

八疊山 在縣東南六十里 司馬嶺 五盤山 在縣西 司空

山 在縣西 七里山 在縣北 杏葉山 在縣南 聖馬洞 在

西 西溪洞 在縣南四十里 仙女洞 在縣東 斜溪洞 在縣南

文陽洞 在縣西 一嶽崖 在縣西 斧石 在縣北 五十里 石

玉兔望月 又有沮水 在縣南五十里 出秀州 水清 西

州房陵 縣東 山 東 南 入 于 漢 江 云 出 房

王聚登樓賦 所謂 倚 曲 沮 之 長 洲 即 此 水 也 江 漳 河 在

百里 清涼河 在縣東六十里 蠻河 在縣南 一里 源出

西南六十里 入漢江 晉桓 潮水河 在縣西 一百里 瀟溪

河 在縣 珍珠池 在縣南 二十里 鑊池 寺內 人於 黑龍



泉在縣一梳泉在縣西二百里歌馬廟傍石上有三湧  
井在靈泉寺內晉有僧聰達見此井曰  
吾教興則水湧永果三湧遂立寺焉

襄陽縣

武王山在縣東五十里世傳楚武  
赤眉山在縣東北  
大阜山在縣

嘗軍此山馬鞍山在縣東  
椒山在縣東北  
無量山在縣

地名北寨  
十鳴兒山在縣東  
洞兒山在縣東  
無量山在縣

十資山在縣東南六十里其山深遠闊遠  
青山在縣南  
有礦山磨劍山在縣南  
磨劍山在縣南

萬山在縣南  
獅子山在縣南  
櫻源山在縣南  
唐紫石在縣北

石名曰甘泉山在縣東北  
唐紫石在縣北

石白河在縣南四十里源出大  
華陽河在

東四里源出武舊宅南有白水即此  
沙河在縣南  
滾河在縣南

百即中河在縣南  
鎮北河在縣北  
灤水在縣東

水真陂河在縣北  
鎮北河在縣北  
灤水在縣東

西流入盡水在縣南  
蔡子池在縣北  
石羊池在縣

里蓮花池在縣西南  
蔡子池在縣北  
相汝泉在縣

十里今謂義井在縣西北  
東義井在縣東  
西義井

之南泉義井在縣西北  
東義井在縣東  
西義井

在縣西北  
東義井在縣東  
西義井

七十里  
東義井在縣東  
西義井

穀城縣

屏風山在縣北九十里昔白  
金牛山在縣南八十里  
廣德寺鑄鐘以牛

玉仙人得素書于此  
廣德寺鑄鐘以牛



穀山在縣西北十里有古穀團山在縣南四十里

穀山在縣西北十里有古穀團山在縣南四十里

赤山在縣東南八十里高亭山在縣南五里

老軍山在縣南開林山在縣西北四里漢蕭何子

山在縣西九十里高峻險絕界山在縣西北一萬銅山

在縣東南九十里唐特廣德古羊河在縣東北一里

仁港口與粉水合白石河在縣西南二十里黃土河

南三十五里西四里粉清河一名粉水在縣南源出巴

八里此處名黑水河在縣東乾溪河在縣北三里

有惡疾類出為尼乘白牛至此牛不肯去知正有決句

見類鼠食草疾愈後入朝備述愈疾之由遂古靈泉

遺使取所食草可何首烏也至今池邊生古靈泉

嘗浮一木魚上刻云西蜀某寺記傳者據此小樊洲

在縣南七十里洲沅漕洲在縣東五里又云東曹州水

磨灘在縣西靈泉在廣德寺後相傳有龍潛於中

馬窟山在縣東南五里有石窟漢時有馬故名廣鐘山

南固封山在縣西北龍拱山在縣西一胡荻山在縣西

三尖山在縣西北六十里盤折牛頭山在縣北五里今

光化縣

杏兒山在縣北七十里紅岡在縣東駱駝山在縣東秦



家岡在縣東十五里石虎陂在縣東三十里紅崖在縣西南十七里孤石嶺在縣西

西三里紅土坡在縣北三十里乞兒崖在縣北四十里白水峪在縣北十五里

杏花洞在杏兒山漢水自西北經本縣南入穀城境

蕭堰河在縣東南三十五里黑水河在縣東南四十里蔚家河在縣東五十里大

梁河在縣東五里排子河在縣東六十里溫泉在縣南五里舊有

塞河尚存一上涓口在縣南一十里下涓口在縣東南十二里鴛鴦灘

名溫水河在縣南二十里楊林汶在縣南二十五里陡溝河在縣南三十里乾汭河

灘在縣南三十里流長灣在縣南三十里伍龍潭在縣西北一十里乾汭勞

湖在縣西六里水家澆在縣西八里傅家澆在縣北四十里羊皮灘在縣北五

泥河在縣北昔狗海在縣北黑龍潭在縣北

應井家澆在縣北八里木鱉港在縣西北二十五里安樂河在縣西北四十五里

六股泉在縣北六十里茶溝在縣東二十五里百頃湖在縣東南四十五里樊家

湖在縣南十五里響水溝在縣北三十五里金銀溝在縣北二十里獨草溝

在縣北二里爛柴溝在縣北三十里秋林溝在縣北四十里葵花溝在縣北四

里廬家溝在縣北五十里

均州

太嶽太和山在均州南二百里先名太和一名仙室一

當之故又名武當嵩高之儲副五岳之流華周廻八百

餘里七十二峯三十六岩二十四洞五臺五井三泉三

潭四石三天門三洞天一福地風穴雷洞藥圃丹爐霄

館龍宮慶雲彩霧幽蘭清蕙石孔天花勝跡不可勝紀

欽改今名石階山在太和山一女思山在太和山漢

嫁馬河內張德子婦隨夫遷至此山外朝山在太和山後天

南望其父母恩墓而死遂葬此山馬紫霄峯在太和山後蠟燭峯以

柱峯居七十二峯之上高凌紫霄峯山下似故太子坡在紫霄宮後文帝為白雲峯真于此陳希夷條道

遙峯在清微五龍峯中有靈湫紫雲峯在五龍五老峯在太和

宮南疊字峯五龍宮西南以方山州北十龍門山州北

石鼓山五十里青崖山六十里遠山一百二里鳥頭山州東

里大觀山三十里小觀山大觀山下龍山州東南七里橫山二十

里砲山州南十寶蓋山三十里赤山五里絞口山六十里小

界山大界山一百三西岡山州南棺木山十里紫山十二

里黃峯山黃洋山三十佛家山鄖縣界白浪山西州

南一馬鞍山州東南九里岡卽龍岡州北四黃管川

州東北三滄浪洲州東北四十里均水州東前漢地理志

漢水州北四十里即蟠家導滌東流為漢者其水因地

則有滄浪水原遇漁父歌滄浪之水楚屈中家洲西八里

川州西八里里澮河州南黃沙河州南九里里小江

口東南八鐵爐灘五里亂石灘六里石門灘魚梁灘石門

大浪灘魚梁灘下瀉門州西北三十里鹽池西南蓮花池州西四

眼井州東金泉磨河磨針成在太和山北真武脩煉未

亦難採鐵杵磨石上問磨此何為針耳曰不九渡

潤紫霄宮東



論曰余論次山川知山川一元氣也山氣之聚而結者也川氣之融而導者也故曰流而為川止而為山其致一也聚不弛崩鍾不沉滯人用是生而財用以阜故古之長民者必燮調元氣以帥象儀軌致其嘉績不墮山不崇藪不防川不竇澤而惟恐其傷之然後和氣薄於兩間符應充乎宇內山祇效靈川若獻瑞而器車朱草馬圖龜書之類至矣山川一氣也氣一吾氣也吾氣順而山川之氣順故曰致中和天地位焉萬物育焉又曰心和則氣和氣和則形和形和則天地之和應之矣而世方迂之不暇也於戲魏矣

襄陽府志卷之七

形勝

附景致

叙曰古之建邦設都必擇勝勢之地以為便利蓋以鍾靈孕秀固圉安氓非止於為佳麗大觀而已故周公營洛邑曰我卜河朔黎水我乃卜澗水東灑水西惟洛食我又卜灑水東亦惟洛食衛文徙居楚丘而望楚與堂景山與京降觀于桑卜云其吉終焉允滅詩書志載班班可觀也郡縣固古之建國也而襄陽尤郡縣之雄也方城漢水之勝乃自古記之美獨可缺也歟式志形勝

襄陽府

西控蜀漢東帶吳楚右視湖湘左顧川陝下瞰京洛帶

襟漢水屏蔽全吳與江陵勢同唇齒北接宛洛跨對楚

沔為鄢郢之北門居楚蜀之上游方城為城漢水為池

天設金湯雲屯貔虎王海地外帶江漢金城之固沃野

千里吳魯水陸之衝禦寇要地魏司馬北接宛許南阻

漢水其險足固其土足食晉使襄陽荆楚之間西接益

梁與關隴咫尺北去河洛不盈千里土沃田良方城險

峻水陸流通轉運無滯進可以盪秦趙退可以保上流

獨雄漢上趙善俊上流門戶北通汝洛西帶秦蜀

南遮湖廣東瞰吳越欲退守江左則襄陽不如建業欲

中原則建業不如襄陽宋建業之險

左右臂也○襄陽重地為荆楚之門戶宋襄陽重地

自江漢而圖北方必經襄陽襄陽楚之北津襄陽

為荆南巨鎮江漢上游右控巴蜀左聯吳越南通五嶺

北走上都寇賊雖平襟帶尤切岳飛淮甸荆襄東南屏

蔽六朝能保守江左以強兵巨鎮盡在淮南荆襄間今

當於淮南東西及荆襄置三大師屯重兵以臨之以揚

威襄陽為帥府分遣偏帥進守支郡北築城壘如開新

陳東以江東路財用淮西以江西財用荆襄以湖北

財用給之徐議屯田使自贍養假以歲月藩籬成矣宋



天下形勢關中為上襄郢次之更康又次之李先襄

陽為荆門之北援南捍江陵東護隨郢西當光化夷陵

之衝荆門固則四鄰有恃否則有背脇腹心之虞由

唐之湖陽以趨山則其涉漢之處已在荆門之脅由郢

之鄧城以涉漢則其趨山之處已在荆門之腹自此之

外間道之可馳漢津之可涉坡陀不能以限馬灘瀨不

能以濡軌者所在尚多自我出奇制勝邀敵兵之腹

者亦正在此陸九淵論○接左傳方城為城漢水為

無志二更說及李涉上于

襄陽縣

檀溪帶其西岷首巨其南習鑿之漢水如帶紫平東北楚

山若屏峙平西南天然之形勢也

峴山登翠

漢江鴨綠

龍洞雲深

檀溪清淺

鞞鞞夜月

鐵佛辰鍾

萬山夕照

文選古臺

隆中草廬

高陽池館

鹿門高隱

墮淚晉碑

宜城縣

據襄郢之間兩耳扼其東石梁環其西其中土地平行  
為古英雄攻守之地

龍潭春漲

雲水秋澄

蘇湖漁唱

北隴農歌

東郊柳色

西刹鐘聲

赤山旭日

紫蓋晴霞

南漳縣

沮水臨其東荆山接其南蠻河帶其西鳳凰引其北

鳳山朝陽

馬洞夕照

西溪靈湫

靈泉古寺

普濟石橋

武安名堰

荆山璞玉

雙池珍珠

棗陽縣

霸山壁立於東漢江環繞於西南有白水之前紫北有

唐河之流其地廣衍四山拱固為襄外屏

花縣譙樓

椒山林宇

杏壇春晝

蓮池曉月

霸山晴雪

滾水扁舟

羊堰秋波

虎岡夕照

沙河流清

冷水疑碧

望城覽勝

羔橋跨虹

穀城縣

薤山鎮其城漢水道其流與荆襄為唇齒以宛洛為藩

籬

粉水澄清

水南荒寨

新店茅屋

後洞夜月

高頭漁隱

廣德靈泉

光化縣

長陽府志

卷之五

藝文

天



西徹梁益北據祈鄧挾漢江以爲池負崇山以爲固實  
爲襄上流之屏也

鄧陽高古 漢水秋清 固封夕照

太和溫泉 馬窟雲峯 龍潭漁火

杪羅夜月 福岩竹塢

均州

東連襄沔西接梁洋南通荆衡北抵襄鄧左通漢水之  
長江右據關陝之要路

太和晴嵐 龍山烟雨 滄浪清徹

槐陰古渡 黃峯夕照 方山積雪

漢水新漲 亂石驚濤以上州治八景 天柱凌雲

玉虛環翠 五龍披霧 九渡鳴泉

南巖削翠 紫霄層巒 雷洞發春

瓊臺霽曉以上太景

論曰襄陽自魏晉以來爲必爭之地故此一形勝也當  
天下安則騷人墨客籍之以遊目騁懷而以形勝爲樂  
地不幸有事則武夫健將用之以進攻退守而以形勝  
爲險塞地非有變也時變則其勢亦因之而變也昔人  
謂天下之理亂候於洛陽之盛衰而知洛陽之盛衰候  
於園囿之興廢而得吾於襄陽亦云於戲今賴

襄陽府志卷之七  
天子神聖輔弼才賢宇內清平四郊無壘而峴山檀溪  
鹿門隆中南岩紫霄滄浪粉水方資士大夫賞劇詠歌  
與會稽蘭亭武夷白鹿爭勝豈非幸哉豈非幸哉吾子  
是乎有感

襄陽府志卷之七

襄陽府志卷之八

聖蹟

叙曰荆楚古稱夷服然陳良之徒以道學鳴宋玉之流  
以文章顯而餘風遺韻迄今爲烈此何以故蓋繇文王  
脩齊之化自北而南而江漢滛靡之風爲之不變故詩  
曰周南言周文之化行于南也當是時亦皆其風聲所  
漸政教所暨而文王固未嘗親履其地也然猶其化若  
此况楚昭王遷都之後是以幣聘孔子又以師迎孔子  
孔子之至楚即今所謂宜城者也雖其阻于子西不獲  
大行其道以終文王二南之化而願爲弟子身親受業



者蓋得五人皆楚之英則襄陽是聖人過化之地也其  
人文之盛豈無自歟志聖蹟

夫子

孔子名丘字仲尼其先宋人父叔梁紇母顏氏以魯襄  
公二十二年庚戌之歲十一月庚子生孔子于魯昌平  
鄉陬邑爲兒嬉戲嘗陳俎且設禮器及長適周問禮於  
老子既返而弟子益進嘗適齊爲高昭子家臣通于景  
公又嘗仕魯爲中都宰爲司空爲大司寇相定公會齊  
侯于夾谷攝行相事又嘗適衛靈公不能用乃自衛之  
陳自陳遷于蔡自蔡如葉葉楚邑也葉尹沈諸梁問政

尋及于蔡有長沮桀溺荷蓑又人等事特楚昭王都都  
都今宜城是也欲以安車象飾遺夫子宰予先已在楚  
謂王曰夫子莫以此爲自臣從夫子以來夫子言不離  
道動不遺仁貴義尚德清而好儉仕而不祿所以爲積  
不合則去退無吝心妻不服采妾不衣帛車器不雕馬  
不食粟道行則樂其治不行則樂其身此所爲夫子也  
若夫觀目之屢靡窈窕之滯音夫子過之弗視遇之弗  
聽故臣知夫子無用此車也王曰今而後知夫子之德  
也時吳伐陳昭王救陳渡江有一物觸王舟使使問夫  
子夫子曰此萍實也得之者其霸王乎使者曰何以知

之子曰吾昔之鄭過乎陳之野聞小兒謠曰楚昭王渡江得萍實大如斗赤如日剗而食之甜如蜜得無是乎昭王軍于城父今河南襄城縣楚北境也時夫子尚在陳蔡之間王使人來聘夫子將往拜禮陳蔡大夫謀曰孔子賢者所譏刺皆中諸侯之疾今者久留陳蔡之間諸大夫所設行皆非仲尼之意楚大國也來聘孔子孔子用于楚則陳蔡用事大夫危矣于是乃相與發徒後困孔子于野不得行絕糧從者病莫能興孔子講誦絃歌不衰子路愠見曰君子亦有窮乎子曰君子固窮小人窮則濫矣夫子使子貢至楚昭王與師迎夫子乃至

昭王將以書社地七百里封孔子楚令尹子西曰王之使使諸侯有如子貢者乎曰無有王之輔相有如顏回者乎曰無有王之將帥有如子路者乎曰無有王之官尹有如宰予者乎曰無有且楚之祖封于周號爲子男五十里孔某述三王之法明周召之業王若用之則楚安得世世堂堂方數千里乎夫文王在豐武王在鎬百里之君卒王天下今孔某得據土壤賢弟子爲佐非楚之福也昭王乃止孔子復反乎衛時則有接輿衰鳳之歌昭王疾于城父有赤雲如鳥夾日而蜚者三日周太史請移于將相昭王不聽請以身自禱于神卜河爲



崇昭王曰先王受封江漢河非所獲罪弗許夫子聞是  
言曰楚昭王通大道矣其不失國也宜哉其秋昭王卒  
楚人左丘明任不齊公孫龍秦商馭臂受學時衛靈公  
已卒季康子召孔子孔子歸魯然魯終不能用夫子夫  
子亦不求仕乃叙書傳禮記刪詩正樂序易繫象說卦  
文言弟子蓋三千人身通六藝者七十二而楚五人皆  
與焉哀公十四年西狩獲麟孔子作春秋十六年壬戌  
四月巳丑孔子卒年七十二葬魯城北泗上子鯉孫伋  
作中庸

論曰子西之阻仲尼巧矣自非上智鮮不惑者其曰楚

本子男今孔子述三王之法明周召之業王若用之則  
楚安得世世堂堂方數千里乎斯言也非孟子所謂如  
有王者作則曾在所損乎在所益乎之意則固有理也  
其曰文王在豐武王在鎬以百里王今孔子得據土壤  
賢弟子爲佐非楚之福也斯言也律以孟子所謂得百  
里之地而君之皆足以朝諸侯有天下之義則亦有理  
也昭王焉得而不信之乎而不知果若西言是夫子將  
操人戈而入人室也夫子之用于魯也季桓子之力也  
故曰于季桓子有見行可之仕也夫子雖以強公室弱  
私門爲心然自有權在焉必不仕桓子而禍桓子也向

使其爲桓子禍也奚爲桓子之卒也而猶遺言康子必召孔子也哉觀其遺言而猶欲囑其子以召是夫子不爲桓子禍也夫子用于桓子不爲桓子禍豈有用子楚昭而顧爲楚昭之禍但名不可以不正也鼎不可以妄問也王舟不可以膠而包茅不可以不貢也夫子而用于楚也必將以其能王之才申一王之制告昭王以君臣之義以耻周道于南方而使之居方伯連帥之職以率不恪豈有損其所有而爲子男者乎吾觀昭王之疾也不敢越江漢以求媚于河其必有得于夫子俄頃之化而周道之南固可興也子西本以嫉賢妬能之心易爲尊君保國之說以搖其君而使夫子復反于衛彼哉彼哉有爲哉



襄陽府志卷之九

帝籍

叙曰孟子有言舜生於諸馮遷於負夏卒於鳴條東夷之人也文王生於岐周卒於畢郢西夷之人也然則帝王之所生所遷所卒之地聖賢皆謹書之而不敢忽况志所以彰往察來闡幽覈實豈有帝王名迹在其境內而故遺之乎襄陽自禹導江漢于內方而帝籍始著繼是以後或生于斯或遷于斯或有事于斯雖刑構不同分合殊致然要皆過化之區不可不表而出之也舊志或遺而不書或書而入傳蓋以郡志不敢僭擬國史故

也史之例帝稱紀諸侯王稱世家大夫稱列傳茲志不敢遺亦不敢僭故別史例志帝籍

夏禹王治水荆及衡陽惟荊州江漢朝宗于海九江孔殷沱潛既導雲土夢作又導嶓冢至于荆山內方至

### 大別

漢光武皇帝姓劉氏諱秀字文叔南陽蔡陽人高祖九世孫也出自景帝生長沙定王發發生春陵侯買買生鬱林守外外生鉅鹿都尉回回生南頓君欽欽生光武年九歲而孤養于叔父性勤于稼穡兄伯升好俠養士常非笑光武事田業比之高祖兄仲王莽天

鳳中乃之長安受尚書夏通大義莽末天下連歲蝗寇盜烽起地皇三年南陽荒饑諸家賓客多爲小盜光武避吏新野因賣穀于宛宛人李通等以圖讖說光武云劉氏復起李氏爲輔光武初不敢當然獨念兄伯升結輕客必舉大事且王莽敗亡已兆天下方亂遂與定謀于是乃市兵弩與李通從弟軼等起于宛光武遂將賓客還春陵時伯升已會衆起兵初諸家子弟恐懼皆亡迹自匿曰伯升殺我及見光武絳衣大冠皆驚曰謹厚者亦復爲之乃稍自安伯升于是招新市平林兵與其帥王鳳陳牧西擊長聚光



武初騎牛殺新野尉乃得馬進屠唐子鄉又殺湖陽  
尉軍中分財物不均衆恚恨欲反攻諸劉光武歛宗  
人所得物悉以與之衆乃悅進拔棘陽與莽前隊大  
夫甄阜屬正梁丘賜戰于小長安漢軍大敗還保棘  
陽更始元年正月漢軍復與甄阜梁丘賜戰于泚水  
西大破之斬阜賜二月立劉聖公爲天子光武爲太  
常偏將軍別與諸將徇昆陽定陵偃皆下之會伯升  
爲吏始所害光武自城父馳詣宛謝未嘗自伐昆陽  
之功又不敢爲伯升服喪飲食言笑如平常更始以  
**漢新拜光武爲破虜大將軍封武信侯三輔豪傑誅**

王莽傳首詣宛更始將北都洛陽以光武行司隸校  
尉使前整脩官府三輔吏士皆歡喜不自勝老吏或  
垂涕曰不圖今日復見漢官威儀由是識者皆屬心  
焉故趙繆王子林詐以卜者王郎爲成帝子子與立  
爲天子光武東圍鉅鹿進圍邯鄲拔其城誅王郎更  
始遣侍御史持節立光武爲蕭王令罷兵詣行在光  
武以河北未平不就徵自是始貳于更始光武北擊  
尤來大捨五幡于元氏追至右北平連破之賊入漁  
陽乃遣吳漢率耿弇陳俊馬武等十二將軍追戰于  
潞東及平谷大破滅之于是諸將請上尊號馬武請

襄陽府志 卷之九  
還薊即尊位乃議征伐光武驚曰何將軍出是言可  
斬也武曰諸將盡然光武使出曉之乃引軍還薊至  
中山諸將復固請之光武深感曰吾將思之行至鄗  
光武先在長安同舍生彊華自關中奉赤伏符群臣  
因復奏乃即皇帝位

先主昭烈皇帝劉備字玄德涿縣人漢景帝子中山靖  
王後也靈帝末黃巾賊起州郡各舉義兵先主率其  
屬從校尉鄒靖討黃巾賊有功除安喜尉後爲平原  
相郡民劉平素輕先主耻爲之下使客刺之客不忍  
刺語之而去其得人心如此徐州牧陶謙死先主遂

領徐州牧曹公表先主爲鎮東將軍封宜城亭侯呂  
布攻先主先主敗走歸曹公曹公表先主爲左將軍  
禮之甚重袁術欲經徐州北就袁紹曹公遣先主督  
朱靈路招要擊術未至術病死先主嘗與董承受帝  
密詔誅曹公至是事覺承等皆伏誅先主據下邳殺  
徐州刺史車胄留關羽守下邳而身還小沛曹公東  
征先主先主敗績歸袁紹曹公與袁紹相拒于官渡  
汝南黃巾劉辟等叛曹公應紹紹遣先主將兵與辟  
畧許下曹公遣曹仁擊先主先主還紹軍陰欲離紹  
乃說紹南連荆州牧劉表曹公既破紹自南擊先主



襄陽府志卷之九  
先主遺糜竺孫乾與劉表相聞表自郊迎以上賓禮  
待之益其兵使屯新野荊州豪傑歸先主者日益衆  
曹公北征烏丸先主說表襲許表不能用曹公南征  
表會表卒子琮代立遣使請降先主屯樊不知曹公  
卒至至死乃聞之遂將其衆去過襄陽諸葛亮說先  
主攻琮荊州可有先主曰吾不忍也乃駐馬呼琮琮  
懼不能起琮左右及荊州人多歸先主比到襄陽衆  
十餘萬輜重數千輛日行十餘里別遣關羽乘船數  
百艘使會江陵或謂先主曰宜速行可保江陵今雖  
據大衆被甲者少若曹公至何以拒之先主曰夫濟

大事者必以人爲本今人歸吾吾何以棄去曹公以  
江陵有軍實且恐先主據之乃釋輜重輕軍到襄陽聞  
先主已過曹公將精騎五千急追之一日一夜行三  
百餘里及于當陽長坂先主棄妻子走曹公大獲其  
人衆輜重先主斜趣漢津與羽船會得濟沔遇表長  
子琦衆萬餘人與俱到夏口先主遣諸葛亮自結于  
孫權遣周瑜程普等水軍數萬與先主并力與曹  
公戰于赤壁大破之曹公引歸先主表琦爲荊州牧  
琦病死群下推先主爲荊州牧益州牧劉璋聞曹公  
將遣鍾繇等向漢中計張魯內懷恐懼遣法正將四

千人迎先主使擊張魯先主到葭萌關未即討魯厚  
樹恩德以收衆心曹公征吳孫權呼先主自救先主  
遣使從璋求萬兵及資寶欲以東行璋但許兵四千  
其餘皆給半又勅關戍諸將文書勿復關通先主先  
主大怒召璋白水督楊懷責以無禮斬之進圍成都  
璋出降先主領益州牧定漢中進漢中王尋上尊號  
即皇帝位于成都武擔之南

宋太祖文皇帝諱義隆武帝第三子也盧循之難年  
四歲高祖使諮議參軍劉粹輔之歷雍州刺史後改都  
督荆湘寧雍梁秦六州諸軍事又進督湘州入朝時年

十四身長七尺五寸博涉經史善隸書少帝廢百官備  
法駕迎立之物雍州有牽羊壇相傳刺史至牽羊詣壇  
逮之以所逮數驗治州年數帝刺雍羊逮七次不止果  
八年云

宋世祖孝武皇帝劉駿字休龍文帝第三子也元嘉七  
年秋八月庚午生于襄陽立爲武陵王都督湘州諸  
軍事屢加督秦州進號撫軍將軍徙都督雍梁南北  
秦四州荊州之襄陽竟陵南陵順陽新野隨六郡諸  
軍事寧蠻校尉雍州刺史持節將軍如故自晉氏江  
左以來襄陽未有皇子重鎮時太祖欲經畧關河故



有此授緣江蠻爲寇文帝使統衆軍爲征南將軍加散騎常侍入討次江寧大將軍江夏王義恭來奉表上尊號即皇帝位在位八年

明帝劉彧字休炳文帝第十一子也領石頭戍事累徙都督雍梁南北秦四州郢州之竟陵諸軍事南蠻校尉雍州刺史持節常侍廢帝疑畏諸父並拘之殿內收帝付廷尉一夕被原將加禍害者前後非一廢帝既崩建安王休仁等稱臣推戴遂即位

梁武帝蕭衍字叔達蘭陵中都里人漢相國何之後也博學多通好籌畧有文武才幹時流名輩咸推許焉

起家巴陵五南中郎法曹行參軍遷衛將軍王儉東閣祭酒儉一見深相器異謂廬江何憲曰此蕭郎三十內當作侍中出此則貴不可言建武二年魏遣劉杲王肅帥衆寇司州以高祖爲冠軍將軍主隸江州刺史王廣爲援距義陽百餘里高祖請爲先啓廣即分麾下精兵配高祖爾夜便去魏軍數里逕上賢首山魏軍不測多少未敢逼黎明城內見援至因出兵攻魏柵高祖帥所領自外進戰魏軍表裏受敵乃棄重圍退走軍罷以高祖爲右軍晉安王司馬太子中庶子領羽林監項之出鎮石頭魏帝自帥大衆寇雍



襄陽府志 卷九  
州明帝令高祖赴援至襄陽詔又遣左民部尚書崔  
慧景總督諸軍事高祖及雍州刺史曹武等並受節  
度慧景與高祖進行鄧城魏帝帥十萬餘騎奄至慧  
景欲引退高祖固止之不從乃狼狽自拔魏騎乘之  
于是大敗高祖獨帥眾距戰殺數十百人魏騎稍却  
因得結陣斷後至夕待下船慧景軍死傷畧盡惟高  
祖全師而歸授持節雍梁南北秦竟陵隨郡諸軍事  
輔國將軍雍州刺史明帝崩東昏即位始安王遙光  
尚書令徐孝嗣右僕射江祐右將軍蕭坦之侍中江  
祐衛尉劉暄更直內省分日帖勅高祖聞之謂從舅

張弘策曰政出多門亂其階矣嫌隙若成方相誅戮  
當今避禍惟有此地勤行仁義可坐作西伯但諸弟  
在都恐懼世患乃使弘策詣郢州陳大計于長兄懿  
謂智者見幾不俟終日及今猜防未生宜召諸弟以  
時聚集後相防疑拔足無路郢州控帶荆湘西柱漢  
沔雍州士馬呼吸數萬獸眈其間以觀天下代化則  
竭誠本朝時亂則為國剪暴可得與時進退此蓋萬  
全之策如不早圖悔無及也懿聞之變色心弗之許  
弘策還高祖乃啓迎弟儀及檐是歲至襄陽于是潛  
造器械多伐竹木沉于檀溪密為舟裝之備懿被害



信至高祖客召長史王茂等謀之既定召條佐集于  
廳事諭以興義俾各盡勲効比南康王爲相國以高  
祖爲征東將軍高祖發襄陽移檄京邑遣王茂曹景  
宗諸軍濟江與荊州軍相會以逼賊壘帝自後園魯  
山以通沔漢張冲出軍迎戰茂等邀擊大敗之皆棄  
甲奔走荊州南康王即位于江陵遙廢東昏爲涪陵  
王以高祖爲尚書左僕射加征東大將軍都督征討  
諸軍事假黃鉞西臺又詔平定東夏以便宜從事高  
祖鎮石頭命衆軍圍六門兼衛尉張稷北徐州刺史  
王珍國斬東昏送首義師帝乃受齊禪即皇帝位在

位四十年

簡文帝蕭綱字世績武帝第三子也封晉安王歷使持  
節都督荆雍南北秦四州竟陵隨郡諸軍事平西將  
軍寧蠻校尉雍州刺史在襄陽拜表北代遣長史柳  
津司馬董當門壯武將軍杜懷賢振遠將軍曹義宗  
等衆軍進討克平南陽新野等郡後立爲皇太子高  
祖崩迺即皇帝位爲侯景所弒

唐中宗高宗第三子嗣位欲以后父常女貞爲侍中裴  
炎固爭中宗怒炎懼白太后太后怒廢帝爲廬陵王  
尋遷于房州又遷于均州綱自書曰帝在均州是也

襄陽府志 卷之九  
論口自夏禹以來帝王名迹在襄陽者多矣然皆視若  
傳舍無根本堅凝之意豈其地勢使之然歟然自古論  
建都之地曰關中洛陽荆襄金陵而關中儉嗇近於西  
戎金陵華侈隣於南服惟洛陽荆襄爲土之中且險不  
下關中而當可敵金陵彼其若此者忌別有說也雖然  
大史公有云形勢雖強要以仁義爲本此又建都者所  
當知

襄陽府志卷之九